



INATSISARTUT

**Aningaasaqarnermut Akileraartarnermullu  
Naalakkersuisoq**

Ulloq: 7. februar 2025

J.nr.: 01.31.06/25-01125

**Aningaasaqarnermut Akileraartarnermullu Ataatsimiititaliap tallimangornermi ulloq 7. februar 2025-mi aalajangiineranik Naalakkersuisunut ilisimatitsineq.**

**Aningaasaliissutinik 20.11.70 Sillimmatit atortuulersitsineq suliniutinut nutaanut ingerlatanut suliassaqarfimmi 40 -mi tapiissutitut timersornermi ingerlatsineranut aamma ingerlatsivimmi kukkunersuineranut. Ataatsimiititaliap suliaa nr. 01.31.06/25-01125.**

”Naalakkersuisut **inassutigaaat**,

**una** Aningaasaliissutit kontumi pingaarnermi 20.11.70 Sillimmatit suliniutinut nutaanut annikillineqassasut 10.500.000 kr.-inik 2025 -imi,

**una** Aningaasaliissutit kontumi pingaarnermi 20.30.05 Aningaasarsiornikkut ilusiliaq-, pilersaarusiornermut-, aamma nalilersuineranut sakkoq qaffanneqassasoq 1.000.000 kr. -inik 2025-imi, aamma

**una** Aningaasaliissutit kontumi pingaarnermi 40.94.13 Tapiissutit timersornermut qaffanneqassasut 9.500.000 kr. -inik 2025-imi.”

**Aningaasaqarnermut Ataatsimiititaliap oqaaseqaatai apeqqutaalu**

Qinersinissap nalunaarutigineqarnerata kingorna ataatsimiititaliap suleriaasia malillugu siunertaq aningaasaliiffigisassatut qinnuteqaatigineqartoq kinguartinneqarsinnaanngitsutut, politikimut attuumassuteqanngitsutut pisariaqarneralu sinnerlugu Inatsisartunngortussat aningaasaqarnikkut iliuuserisinnaasaannut killiliinngitsutut ataatsimiititaliamit isumaqatigiittumit nalilerneqartussaavoq.

Naalakkersuisut inassuteqaataat Inuit Ataqtigiit Siumullu ilaasortaataannit akuerineqarput, Demokraatilli Naleqqakkullu isumminngillat.

**Aningaasaqarnermut Ataatsimiititaliap aalajangenera**

Siuliani allassimasut ataatsimiititaliamit isumaqatigiissutigineqarsinnaanngillat.

Taamaattumillu Naalakkersuisut inassuteqaataat ataatsimiititaliamit

**akuerineqarsinnaanngillat.**

Inussiarnersumik inuulluaqqusillunga

  
Peter Olsen

Aningaasaqarnermut Akileraartarnermullu Ataatsimiititaliap siulittaasua